

տսէ, Լթէ փականք Այրին 'ի ձեռս Յունաց է՝ ուրեմն նոքա բացին զգուռն, և գիտութեամբ նոցին մտի յայրն, և դատաւորն յեցեալ 'ի բանս հրովարտակին, պնդէր թէ չէ օրէն մտանել ումեք անդ առանց հրամանի Յունաց: Գրիգոր Պատրիարք կացոյց վկայս յայլազգեաց, թէ Աթանաս ինքն երաց զգուռն Այրին, և այլ բանիւք ջանայր ազատիլ 'ի զրպարտութենէ Յունաց, այլ դատաւորն ոչ կամեցաւ լսել բանից նորա, որով անկաւ Գրիգոր Պատրիարք 'ի տուգանս, և տուեալ ինչս դատաւորին և մեծամեծաց զերծաւ 'ի վտանգէն: Ի \0 Շապան ամսոյ, \0\0 (1635): Իսկ ձեռագիր յիշատակարան մի ասէ, թէ դատաւորն սպառնայր արկանել զնա 'ի գեհէն հնոցի, եւ նորա տուեալ 1000 դահեկանս, հազիւ զերծաւ 'ի բռնութենէ Յունաց:

Յաւուրս յայտնիկ սաստկանայր օր քան զօր վէճ եւ խռովութիւն 'ի մէջ Կրօնաւորաց երկից ազգաց՝ 'ի տաճարին Ս. Յարութեան, սակս լուցանելոյ զկանթեղս՝ աւել ածելոյ եւ մաքրելոյ, իւրաքանչիւր ազգ զսեփհական տեղիս իւր, և ջանային անցանել զսահմանն որոշեալ՝ և յափշտակել զիրաւունս միմեանց: Յայսպիսի դէպս բազում անգամ հարստահարեալ լինէին Հայք, 'ի Յոյն և 'ի Լատին կղերաց, և 'ի գրգռիլ բանից հարկանէին զիրեարս բոքք և մահակօք. և այսպէս անվերջանալի էր վէճն: Գրիգոր Պատրիարք կամեցեալ դիւր առնել փոքր ինչ իւրոցն, առաքեաց առ դատաւորն զԹարգմանն Տօնիկ, և խնդրեաց 'ի նմանէ 'ի գրի հարկանել զըրովանդակ սեփհական տեղիս Հայոց, զկանթեղս զաշտանակս և զսովորութիւնս, որք կատարեն անդ, եւ նա արար այնպէս. ուր էին նաեւ Յոյն և Լատին կղերք, և պատուիրեաց եւս չյանդգնիլ ումեք ձեռն մսել յիրաւունս այլոց, և յարուցանել վէճս: Ի \0 Բէպիլ ախրը, \0\0 (1636):

Այլ մինչդեռ զբաղեալ էր Գրիգոր հանդարտել վէճս Ս. Յարութեան, յարեան ոմանք յազգէն Յունաց որք բնակէին 'ի Բեթղէհէմ. և կաքէին ընդ Գրիգորի Պատրիարքի, որպէս թէ յափշտակեալ իցէ զգերեզմանատունն նոցին և արարեալ սլարտէզ, թէ պէտ նա առաջի արար նոցա զվաւերական գրեանս վասն այնր տեղւոյ, և հաստատէր լինել սեփհա-